

乾

象

通

鑑

乾象通鑑卷第二十九

河間府免解進士臣李李奉

聖旨編

列舍亢宿前論

亢宿統占

亢宿所主分野度数

亢宿所管星

日蝕亢宿

日暈亢宿

月蝕亢宿

月暈亢宿

月犯亢宿

亢宿統占

傳曰亢四星天子之內朝也總攝天下奏事聽訟理

獄錄功者也。一曰䟽廟主疾疫。星明人輔臣納忠。
天下安寧。

劉瓛曰：國將有疾，則亢亡。亢星若明，大民無疾疫。又
曰：秋分視亢不見，則五穀盡傷，糴貴。

陶隱居曰：亢星主總領四海。其星明，大天下平安；星
暗，則國政內弱。

星讚曰：亢爲朝廷總領四海。星明潤而光澤，則天下
安泰；星暗，則四方有虞，國政大廢。

古今星釋曰：亢爲天子之內朝主。天子愬萬物聽政，
決治之庭也。星均明，主天子納諫，輔臣獻忠。星明。

一 大出怒角主朝廷有急令百姓怨嗟政事弛廢
大象旁通曰亢星責齊明不喜微明以秋分占之候
歲之豐凶星明則歲穰星不明則歲歉糴責人饑
若星見小明則小饑星止則大凶若星明亦有怒
角主天下大旱星明色青白出怒角天下大水灾
古通占曰亢星為䟽廟亦曰天下疾疫客守之民
多疾癘人灾

陳卓叙占曰亢星為朝廷星移徙都亦曰國政內弱
星光浮而數動搖則天子不安一日有亂政亦曰
有諸侯擅命禮樂刑政不自天子出

亢星所主分野度数

傳曰亢四星九度距南第二星去極九十五度亦在道外六度舊經距南去極八十九度

唐一行距南去極九十一度半

天文錄曰亢宿所主分野齊北陳留外國西天竺乾施羅謝颺并九小國

亢宿所管星

大角星在攝提周鼎間入亢二度

左提星在攝提北大星入亢八度

亢池星在亢北星入亢一度半

陽門星在平星東其東入亢一度

頓頑星在折威南其東星入亢八度

騎官星在亢南其西行北星入亢六度

大哩星在紫微垣門左星內東星入亢七度

車騎星在騎官南其西星入亢九度

梗河星在大角北其西北星入亢九度

日蝕亢宿

天文錄曰日蝕亢其邦君憂

天文總論曰日蝕亢大臣有謀事

武密曰日蝕亢外有諸侯謀入關者

石中曰日蝕在亢國君有憂

大象旁通曰亢為䟽廟天子之內朝廷也在亢日有蝕之主大臣有陰謀亦曰下謀其上國政大壞

古今通占曰亢為朝廷王政之所在也日有蝕之其下有廢政一曰禮樂征伐不自天子出者

陳卓叙占曰亢天子聽政之所日有蝕之主其國有失政一曰國政內弱朝廷失紀綱春蝕甲乙主人君傷本德其下有亡國夏蝕丙丁主內朝有災秋蝕庚辛其國有暴兵冬蝕壬癸其國有外夷犯塞四季蝕戊己其國有土功民多勞怨

海上通占曰凡日蝕在度深者禍深在度淺者災淺
日食在亢幾旣其下有更主不然有僭號之臣

唐貞觀元年七月庚戌朔日有蝕之在亢五度占曰

大臣憂

長安三年九月庚寅朔日蝕之在亢七度占曰大臣
有憂

開元二十六年九月丙申朔日有蝕之在亢九度占
曰大臣惡之

日暈亢宿

天文總論曰日暈亢大臣凶多雨傷損禾稼民疾疫

武密曰日暈亢大臣被戮宗臣死

陳卓叙占曰日暈亢內赤黃外青白及再重者其下有廢政一曰天子有急令下民苦之及三重外青白內赤黃者其國有更政天子革命

海上通占曰日暈亢五重及七重內有黑雲奄覆者其國有擅政大臣若暈黃白暈開口者其下多雨傷損禾稼人民疾疫

大象旁通曰日暈亢有白珥反貫暈者其國有壞政一曰法度不備禮樂不彰亦曰有自立侯王

廣古今占曰日暈亢朝廷失朝儀日暈三重旁有兩

珥主朝廷有兵變故若暈內有青赤氣外有雲黑相奄者天下有更主

天文總占曰日暈亢在及重復有白虹貫之者其國失祚一日人君失勢

京房外傳曰日暈在亢旁有兩珥上有黃冠其國有納土者

張平子略例占曰若兩軍相當日暈在亢三重及五重者先舉者不勝一日戰則大將死之

一行游儀後論曰日暈在亢有青氣環覆者主歲不熟有黃氣回覆者朝廷有喜慶事有黑氣回覆者

天下大水荒糴貴人死

海上通占曰日暈亢四重及有四珥者主諸侯不受
制有陰謀者若暈亢有承戴氣者主朝廷紀綱振
天子有慶賞刑威之柄

月蝕亢宿

天文錄曰月蝕在亢主刑法之臣有當黜之者
天文總論日月蝕在亢其野君有憂大臣當之
大象旁通曰月蝕在亢其國大臣有繫獄者一曰刑
法之官以失職受罰

古今星釋曰月蝕在亢主臣下有陰謀一曰執法者

以私事坐法

廣古今占曰月蝕在亢幾既主臣不以奸謀亂朝綱
若月蝕從上始者天子憂臣下爲亂蝕從旁始者
天子側有讒佞蝕從下始者大將以兵叛天子者
蝕從中始者朝廷有兵變

陳卓叙占曰月蝕亢在甲乙日刑法之臣有當黜之
者壹曰法官有憂蝕亢在丙丁日朝廷有內憂蝕
亢在戊己日主朝廷有大臣失職一日邊城失守
蝕亢在庚辛日主朝廷有兵起月蝕亢在壬癸日
主大臣陰謀

張平子略例占日月蝕在亢大臣有憂以德令解之
若月蝕非其月其下有更政一曰有易王

一行游儀後論曰月蝕非其月在亢度其國棄祚一
曰君有憂兵革事

月暈亢宿

天文錄曰月暈亢有赦令

天文總論曰月暈亢兵革興期百日月暈亢大人憂
以德令解之

李淳風曰月暈亢先起兵者勝又曰君有兵革事
右申日月暈亢有兵革出一曰有急兵

廣古今占曰月暈在亢內黃赤外青白上有黃氣覆之期五十日有大赦若暈開口則期五日有暴雨大象旁通曰月暈亢內赤青外黑氣環繞之其國有犯上大臣一曰有兵凶

陳卓叙占曰月春暈亢在甲乙日主刑之官有憂在丙丁日有兵憂朝廷有兵起在戊己日天子興土功在庚辛日執法者自將兵在壬癸日朝廷政教失月暈憂亢在甲乙日朝廷有變故在丙丁日犬人有憂以德令解之在戊己日有兵兵起無兵兵止在庚辛日執法者以曲法坐罪在癸日人君有

憂兵革之事月秋暈亢在甲乙日天子失務農桑
在丙丁日朝廷有災火憂在戊己日歲不熟在庚
辛日其下有死將在壬癸日主廷臣爲亂月冬蝕
暈亢在甲乙日其國大水在丙丁日王者布政急
民怨謗在戊己日人多疾疫在庚辛日大人惡之
在壬癸日政令不行貴人多徙

日犯亢宿

天文錄日月犯亢有兵起犯亢左星爲水右星爲兵
天文總論日月犯亢其下將有死者月犯亢兵變有

刑罰事

黃帝曰月犯亢將軍亡旗鼓其國將死。

海中占曰其國憂亡地則月犯亢

却朗曰月犯亢廟臣有事一日廷臣爲亂若乘宇亢
右角爲大兵乘宇亢左星皆爲大水

李淳風曰月在亢爲兵變王者布政失理當省刑罰
一曰月犯亢其國將死

武密曰月犯亢大人多疾病朝廷之臣爲始

陳卓叙占曰月逆犯亢在左星奄星不見爲歲饑一

日爲水患月逆犯亢在星主朝廷有兵起一日其

下將死

大象旁通日月行側道失度犯亢主大臣有匿謀一
日廷臣為亂

古今通占日月行側道犯亢星其國有急兵一日將
亡金鼓又曰軍潰將死

魏明帝景初元年正月辛亥犯亢南星占曰兵起坐
咸曰將軍死來年誅曹爽

魏少帝嘉平三年五月甲寅月犯亢距星占曰將軍
死一曰為兵起是月王陵誅四年吳將朱然果為
寇鎮東將軍諸葛誕破走之

晉穆帝永和三年十月甲辰犯亢占曰兵起將軍死

五年征北將軍褚裒卒

晉穆帝永和四年十月甲戌月犯亢占曰兵起將軍
死八月石季龍太子宣殺弟韜宣亦死

陳文帝天嘉五年六月丙申月犯亢其後少帝被廢

乾象通鑑卷第二十九

乾象通鑑卷第三十

河間府免解進士且李季奉

聖旨編

列舍亢宿後論

歲星犯亢宿

熒惑犯亢宿

鎮星犯亢宿

太白犯亢宿

辰星犯亢宿

客星犯亢宿

彗星犯亢宿

孛星犯亢宿

流星犯亢宿

雲氣犯亢宿

歲星犯亢宿

天文別錄曰歲星干犯亢有德令禾稼熟

天文總論曰歲星犯亢則君側有敗於君者

武密曰歲星守亢宿則有小兵

李淳風曰歲星入亢其分人民有疾疫

陶隱居曰歲星守亢留三十日已上則有赦國豐

陳卓叙占曰歲星犯亢逆臣爲亂兵大兵

石申曰歲星守亢有小兵歲饑若留三十日有赦若

久守人多疾病若歲星與熒惑同守亢五穀不收

武密曰歲星犯亢天子坐之若歲星經亢韓鄭之國

有兵若逆行亢政令不行

海中占曰歲星守亢政令不行

古今星釋曰歲星不循軌道干犯亢星其國亂政若
歲星順守亢星主天子出德令五穀熟天下和平
大衆旁通曰木星乘亢右星爲水患乘左星爲火旱
二者均主歲不登糴責民饑

廣古今占曰歲星退行失度犯亢爲小兵又曰人君
無德政以故歲星失度退行犯亢若乘守三十日
逆臣爲亂

陳卓叙占曰歲星干犯亢行順主天子有德令若留
三十日有大赦若行逆則人民多疾疫百姓失業

歲歉民饑

宋廢帝元嘉十六年十月歲星犯亢占曰女主大臣憂其年皇后袁氏崩

熒惑犯亢宿

天文別錄曰熒惑入亢有大疾

挺左輔曰亢主韓鄭熒惑居陽有大喜居陰有憂天文總論曰熒惑凌犯亢而有毛角大人惡之

武容曰熒惑守亢久者民憂之

陶隱居曰熒惑守亢多雨水

甘德曰熒惑守亢五穀不熟又曰䟽廟有土功事

荆萌曰災惑守亢天子有祠廟事

海中占曰災惑守亢天子易政道路不通

荊州占曰災惑黑色守亢大水

陳卓曰災惑守亢右星爲大兵爲水穀貴

荆萌曰災惑留亢亂臣在朝忠臣不進

荊州占曰災守亢天子惡之若逆行亢君臣咸非其
人

甘德曰災惑入亢天子廷居之成句已環繞之天子
失其庭

陶隱居曰災惑守亢多雨水天子盡叛兵起

石申曰熒惑與太白同守亢道路不通盜賊並起
武密曰熒惑入亢有芒角凌犯者當有白衣會

李淳風曰熒惑守亢成勾已環繞者三十日已上天
子自將兵國易政若熒惑犯亢有亂臣多疾疫
古今星釋曰熒惑入亢天子有憂一日朝廷有變若
行順居亢星陽有喜居亢星陰有憂

大衆旁通曰熒惑逆犯亢而出怒角凌乘三十日已
上天子惡之一曰大人有憂又曰其下有亡國

漢地節元年正月熒惑在亢占曰憂在宮中非賊而
盜也有內亂讒臣在旁是時楚王延壽謀逆自殺

魏齊王嘉平四年十月熒惑犯亢南星占曰有亂兵
後鎮東將軍毋丘儉揚州刺史文欽反兵敗誅死
晉太元十三年十二月熒惑在亢形色猛盛占曰熒
惑失其常吏且乘其法諸侯亂其政是年慕容垂
隗遼姚萇符登慕容永並阻爭疆

鎮星犯亢宿

天文錄曰鎮星入亢民多寇物不成犯亢逆臣為謀
來亢左星為水右星為兵穀貴民饑
武家曰鎮星守亢四海且安居貴禮義

李淳風曰鎮星犯守亢五穀傷民流亡若逆行女主

專政一日賤女有暴貴者

陶隱居曰鎮星守亢萬物不成民多疾疫

郝萌曰鎮星犯守亢逆臣爲謀亂諸侯當有失國者
君乘亢右星爲水右星爲兵有失地之君天下憂
徙倚前後亢女主非其人若逆行亢女主千朝事
荊州占曰鎮星徙於亢前後春夏爲火秋冬爲水
郝萌曰鎮星出入留舍亢其國以威致天下

李佺曰鎮星守亢有兵兵止無兵兵起

大象旁通曰鎮星逆行逆犯亢主天子興土功建䟽
廟百姓苦之若乘守三十日已上主朝廷憂兵一

曰大將以兵叛天子

古今星釋曰鎮星凌犯亢主天子後宮有謀一日女
主千時政又曰後宮有新進美女又曰有賤女入
後宮

陳卓叙占曰鎮星犯守亢左星三十日不去者春夏
為火災又曰大旱秋冬為水災為大饑若犯守亢
右星春夏為水災為大荒秋冬為火災為大旱

魏少帝止始五年十一月癸巳鎮星犯亢距星占曰
諸侯有失國嘉平元年誅曹爽兄弟

宋武帝永初二年二月壬辰鎮星犯亢占曰諸侯有

失國民多流亡臣爲亂亢寃州分其年索頭攻圍
司亮州刺史徐談奔敗之應

太白犯亢宿

天文錄曰太白凌犯有芒角行疾兵期一月日行遲
期八十日守亢收歛國兵以備北方太白出入留
舍元鄭國多亡民五穀多霜死

天文總論曰太白守犯亢君自將兵伐無道之邦太
白逆行犯亢爲兵爲亂逆鄭分當憂

武鑑曰太白凌犯亢有芒角朝廷貴臣當有戮者

陶隱居曰太白守亢有水賊傷人天下道不通若太

白入亢兵大旱也

海中占曰太白入天府廷臣有亂

却萌曰太白舍亢焦旱不能生出入留亢鄭國多亡
民五穀多傷霜死

荊州占曰太白守亢有奸吏有兵牛馬用

李淳風曰太白逆行犯亢爲兵逆臣爲叛人君有憂

古今星釋曰太白凌犯亢出四怒角光老乍東乍西

又行疾主天子憂兵一日邊將爲亂若太白經天
以成鉤已者鄭國大饑荒百姓散徙流亡

大象旁通曰太白經天逆犯亢主天子自將兵伐無

道之邦一曰太白犯亢行逆者其下有更王又曰
爲兵亂爲逆謀亦鄭國之君有大變

唐古今占曰太白犯亢行疾期一月行遲期八十日
若遲疾行順天子有喜若行逆或失度及不循軌
者天子有大變

魏少帝甘露二年十月丙寅太白犯亢距星占曰逆
臣爲亂人君憂至景元元年五月有成濟之變反
諸葛誕誅

晉哀帝興寧三年十月太白犯亢晝見占曰有大兵
人君憂是年七月有蕩陰之役

辰星犯亢宿

天文錄曰辰星犯亢爲水右星爲大兵奇令萬物不成穀貴

天文總論曰辰星犯亢其下有疾疫逆行亢有兵起
陶隱居曰辰星守亢其分米貴久守則人多疾疫有
水災

却萌曰辰星舍亢歲小水雉旱不生又曰有兵兵罷
無兵兵起

荊州占曰辰星守亢多盜賊民相惡

李淳風曰辰星數入亢其國有疾疫

古今星釋曰辰星逆犯亢左星為大水災為女主專
政逆犯右星為歲歉亦天子奇令若凌犯亢中不
去及三十日已上者天子有更政一日天子惡之
大象旁通曰辰星守亢之陽春夏主旱赤地千里民
不粒食守亢之陰在秋冬大水漂浮城邑百姓流
亡若成鉤已則女主專政

一行游儀後論曰辰星守失度退行凌犯亢鄭國有
兵起亦曰其下歲不熟人多疾疫若守之及三十
日已上者其國有廢政又曰更改

宋武帝永初三年二月壬辰辰星守亢占曰諸侯有

失國者流亡又曰逐臣為亂其後兗州刺史徐瑛
委宇敗司州刺史毛德祖拒宇陷攻河次吏民多
被侵掠

客星犯亢宿

天文歸曰客星犯亢國人不安出亢有出使者經兩
月間入亢中諸侯客來皆以色占吉凶色赤言兵
色黃言土功色白言義色青使者憂色黑使者凶
凶一日客星入亢中天下有德令色白期秋色青
期春色黃期夏色黑期冬留亢色赤旱色青黃貴
人去其鄉色黃無他害色黑民人流徙貴人憂

陶隱居曰客星守亢廊廟間有兵亂

武家曰客星入亢後宮有暴亂中國不安

古今星釋曰客星干犯亢宿之陰主大臣竊人主柄
犯亢宿之陰主朝廷有陰謀若客入亢中主外國
有使客出怒角外使懷姦若倚亢前後留三十日
已上者奸謀成不及三十日謀不成

大象旁通曰客星凌犯亢留五十日已上者國有大
變一曰人君憂內亂若色白如粉紫期一百日其
國有喪大一日人君當之

陳卓叙占曰客星守亢出怒角乍東乍西留五十日

已上者天子失勢受制于疆臣若客星大如瓜字
亢百日不去者天子出奔國棄祀

河圖遺書曰客星乘宇亢中主貴人扶所去其鄉若
客星大如拳青白色留五十日已上者則朝廷有
急兵

後漢孝獻帝初平三年九月蚩尤旗見長十餘丈色
白出亢南占曰蚩尤旗見則王征伐四方其後丞
相曹公討天下三十年

陳廢帝光大元年六月壬子客星見亢氐東占曰為
白衣會十一月甲寅慈順皇后廢臨海王大建二

年四月薨

彗星犯亢宿

天文錄曰彗星干犯亢其國有災彗星出亢有水兵疫
陶隱居曰彗星犯亢其國兵起夷狄亂

井德曰彗星犯亢中國不安兵起

石申曰彗星犯亢兵起臣叛

古今星釋曰彗星如帚掃亢其國有改王傳曰彗之
所指除舊寘新亢爲內廷而彗掃之故有更王除
舊寘新之意也

大象旁通曰彗星芒長丈所掃亢人君憂兵喪亦曰

其國兵亂

河圖遺書曰彗星光芒長可數丈所犯亢中其下有
匿謀大臣一日兵起爲亂又曰國將絕嗣則犯中
陳卓叙曰占彗星亢在星傍主人君失勢后族專政
彗出亢右星傍主人君出奔國將棄祀又曰彗拂
亢國祚喪

海上通占曰彗星干犯亢凌犯及三十日不滅者天
子失德四海將謀叛之

廣古今占曰彗星抵觸亢中人君亡德政以失四海
心一曰彗抵亢星百姓有離心

晉元帝景元三年十一月壬寅彗星見亢色 五

寸轉北行積四十五日滅占曰爲兵喪一曰天子
失德四年鍾會鄧艾伐蜀克之二將反亂皆誅

晉康帝建元元年十一月六日彗星見于亢長七尺
白色占曰亢爲朝廷主兵喪二年康帝崩

晉穆帝永和五年十一月乙卯彗星見于四方色白
長一丈六年正月丁丑又見于亢占曰爲兵喪疾
疫其五年八月褚裒北征兵敗十一月冉閔殺石
遵又盡殺胡十餘萬人於是中土大亂十二月褚
裒薨是年大疫

字星犯亢宿

天文錄曰字星干犯亢其國不安

天文總論曰字星犯亢其水災傷禾稼百姓饑荒
武容曰字星出亢其國饑人相食

陶隱居曰字星犯亢其國有兵夷狄亂

石申曰字星行犯亢有兵起若入亢民流亡

古今星釋曰星字于亢天子不安王庭一日宗廟有
憂虞又曰德令不施王者失勢

大易撝通曰星字于亢凌犯其國有急兵又曰其國
大亂人君惡之

河圖遺書曰星亢于亢陰其國大水災民色

國政有弛廢者主天下之民流亡星字于亢陽其
國大旱玄苗不生赤地千里歲饑民死

晉哀帝興寧元年八月星字于亢入天市占曰為喪
三年正月皇后崩二月哀帝崩

晉康寧二年正月丁巳有星字于亢占曰為兵喪至
太元元年七月符堅破涼州虜張天錫

流星犯亢宿

天文錄曰流星入亢中幸臣有自殺

天文總論曰流星出亢間而黑愛臣有口舌事

李淳風曰流星入亢中辛臣死

王蕃占曰流星入亢宰相與宮中爲亂

乙巳略例曰流星入亢黃色外國有使入天下雨水
調五穀豐流星出亢天子遣使清獄寬民恩赦
古今星釋曰流星抵觸亢左星主大臣有憂一曰大
臣以失職坐廢抵觸亢右星主臣下有臣謀一曰
人君將崩流星入亢中

大象旁通曰流星入亢中隱然有聲如雷其國君絕
嗣若流星如火炬奄亢星不見人君惡之

河圖遺書曰流星出亢中主外國有使至

懷

奸謀色青則主貨衆色黃主講好色黑 赤

主報喪又曰言弔

後魏孝文帝太和十四年乙未有大流星從南行入亢而沒占曰大兵起有戰十九年正月平南將軍王肅鸞軍於義陽降者萬餘人

雲氣犯亢宿

天文錄曰蒼氣入亢民多疫

天文總論曰白氣入亢有土功黑氣入亢有水赤氣入亢經旬而出廊廟有兵

却胡曰赤氣入亢廊廟有陣兵黃氣入亢有土功事

黑氣入亢有小事

荊州占曰白氣入亢如人狀則民多瘡疾

乾象通鑑卷第三十

乾象通鑑卷第三十一

河間府兗解進士

臣李

奉

聖旨編

列舍氐宿前論

氐宿統占

氐宿所主分野度数

氐宿所管星

日蝕氐宿

日暈氐宿

月蝕氐宿

月暈氐宿

月犯氐宿

氐宿統占

傳曰氐四星王者宿宮也后妃之府

星孛也後二星妾也

星讚曰氐爲宿宮路寢所止

黃帝曰氐星大則臣奉度邦君寧小則臣失勢

却明曰氐星大則人無出門之後汗馬之勞

甘德曰氐星動則徭役起

陶隱居曰氐爲天根主宮室正妃也明爲臣奉法君安寧暗則不奉法謀其國也

古今星釋曰氐四星主天子宿宮也一曰天根又曰本星故國語曰天根見而水涸又曰本星見而草節解二者皆氐之別名也星明大而有益角主人

臣不奉天子諸侯不謹度星小明而色青黑主人
臣失勢

大象旁通曰氐宿端列天下興大役百姓流亡星踈
坼天子有憂星就聚後宮有匿謀星移徙則大臣
被黜星動搖役起下民勞怨

氐宿所管分野度數

氐四星十一五度距西南星去極一百四度在赤道
外一十三度

舊經距極九十四度

唐一行測氐距極九十八度

天文錄曰氐所主分野屬濟陰東平外國

新頭毗摩羅并九小國

氐宿所管星

天乳星在氐東北入氐一度

陣車星在氐南其北入氐五度

騎陣將軍星在騎官中入氐三度

招搖星入氐三度半

七公星在貫索西北其西頭星入氐三度半

日星在房西入氐一度半

從官星在房南其西星入氐一度

陰德星在尚書星西其西星入氐二度

紫微東垣第一星在南門左星入氐十二度

天輻星在房西斜列其北星入氐一十四度

日蝕氐宿

天文總論曰日蝕氐卿相有讒諛

李淳風曰月在氐蝕王者惡之

陶隱居曰日蝕氐后惡之

海中占曰日在氐蝕大官憂王者宜脩德

廣古今占曰日蝕在氐朝廷失勢強臣不受制又曰

日蝕氐中幾既又有黑雲來往相奄

一曰女主惡之

陳卓叙占曰日蝕在氏春蝕甲乙大臣有陰謀夏蝕
丙丁人君惡之庚辛朝廷有急兵冬蝕壬癸天下
多水災四季蝕戊己國有大喪亦有女喪

一行游儀後論曰日蝕在氏從上始者人君憂內亂
從下始者後宮憂女喪一曰女主有疾從中始者
後宮有匿謀又曰有爭寵事亦曰日蝕從中是謂
黑子若蝕幾既是黑子蝕日也後宮有陰殺美者
後漢明帝永平三年八月壬申晦日有蝕之在氏二
度氏爲宿宮是時明帝作北宮

後漢安帝延光三年九月庚寅晦日有蝕之在氏十
五度占曰氏爲宿宮宮中也時上聽中常侍江京樊
豐及何母王聖等譏言廢皇太子京房曰骨肉
相征後大水

唐武德元年十月壬申朔日有蝕之在氏五度至九
年十月丙辰朔日有蝕之在氏七度占曰諸侯專
權則其應在所宿國諸侯附從則爲王者事

開元十七年十月戊午朔日有蝕之不盡如鉤在氏
九度

至德元年十月辛巳朔日有蝕之旣在氏

大曆十年十月辛酉朔日有蝕之在氏

日暈氏宿

天文總論曰日暈在氏其國有憂臣下興師宜脩之
武密曰日暈氏女主自忠臣下興師宜備之

王蕃占曰日暈氏君當憂

天文別錄曰日暈在氏主天子有憂若內青赤外黃
白者主臣下起兵宜備之若暈再重國政隳廢人
君憂

廣古今占曰日暈在氏五重及七重內有黑雲氣相
奄者女主干政朝廷失綱紀及十重者天下大亂

一行游儀後論曰日暈在氏旁有兩珥者卿公大夫
有憂亦曰臣下凶若日暈上有冠氣色黃後宮有
子孫之慶

陳卓叙占曰日暈在氏暈不周氏者後宮相諧有謗
言謀良善若暈氏有白氣如帶縈暈者朝廷失羽
儀又曰暈三重上有白冠氣後宮有喪

大象旁通曰日暈在氏有白虹及覆貫之者其國失
祚一曰有走君

京房外傳曰日暈在氏中有青白氣相奄覆者其國
有革政日暈一重至九重及中有黑氣

海上通占曰日暈在氏及四重上下

后一日女主惡之若暈以有白氣奄覆者朝廷有
兵起

月蝕氏宿

天文錄日月蝕氏公卿大夫有當黜者

天文總論日月蝕在氏其地有疾疫大臣凶

武容曰月蝕氏后妃惡之又曰大臣死大夫憂一曰

糴責

大象旁通日月蝕在氏其國公卿有憂亦曰臣有疾
若月蝕幾既後宮有陰謀亦曰女主當之

廣古今占曰月蝕在氐旁有黑雲氣往來相奄者宮中有讒佞若月蝕十四日在氐者天子不安內廷若有蝕十六日在氐者後宮有奇禍

陳卓叙占日月蝕不在望而在氐者不及主朝廷有

憂太過主后宮有禍

占今注曰不及者謂在十四日蝕氐太過者謂在十六日

也蝕氐

河圖遺書曰月春蝕氐主人君憂歲歉月憂蝕氐天下大旱赤地千里秋蝕氐朝廷有暴兵冬蝕氐後宮有內亂一日女主干政后族擅權

月暈氐宿

天文總論日月暈氏大將凶水蠱死

陶隱居曰月暈圓氏將有殃人多疾死

王蕃占曰月暈氏國君女主憂若冬三月暈有大水
或赦或曰多疾疫

郝萌曰月暈氏人多疾若十一月十二月暈氏天子
不安以赦解之一日月暈氏不出四十日有治道事
古今通占曰月暈氏再重者內亦外青白者女主當
之一曰後宮有廢妃

陳卓叙占曰月暈氏自一重至十重者主天子有憂
後宮有疾病若月暈一重在暈不周者期五日有

急兵不然當施德令以解之不救則其國有憂

大象旁通曰月暈在氏上有黃氣者期五日有大赦
暈氏三重中有黑氣者其國有更政

李淳風曰若兩軍相當月暈七重在氏其下有死將

又曰月暈氏軍營徙

古今注曰月暈在氏其下有軍當移徙軍營又曰暈不利

客先至者為主

後魏閔帝普泰元年正月月在氏暈占曰兵起君憂
時高歡屢廢天子時三主崩頻有肆赦

後周武帝天和五年正月乙巳月在氏暈占曰兵起
大戰將軍死於野是冬齊將

北築城自華谷至於龍門其明年正月

率衆禦之三月己酉憲自龍門渡河攻拔其將築
五城兵起大戰

月犯氐宿

天文錄日月犯氐將有憂犯左星左中郎將誅犯右
星右中郎將誅

天文總論日月入氐有兵犯氐有變則盜賊起

韓陽曰月入氐天下兵起

河圖帝覽嬉日月犯氐將誅或水盡死

却萌曰月乘氐右星有水有兵

武審曰月奄氐有陰謀一日將軍當之

李淳風曰月犯在氐行側道則主天子布政急其國
民怨亦曰月逆行犯氐其國將死

陳卓叙占曰月逆行犯氐主大人多疾疫亦曰後宮
有憂若犯氐右星為水歲饑犯氐左星為兵為將死
大衆旁通曰月犯行失度不循軌犯氐主將相有陰
謀其下有內亂

廣古今占曰月犯氐失本度其下破軍殺將一曰月
奄氐失度大將棄金鼓

晉穆帝升平五年六月癸亥月奄

之六年正月北中郎將祁曇覽

大赦賜爵褚后失勢七月慕容恪攻冀州刺史呂
護於野拔之護奔滎陽是時桓溫次大象次宛聞
護敗乃退

晉安帝義熙十年六月丙申月奄氏占曰將死國有
誅者十一年高祖討司馬休之魯宗之三月戰于
破冢王師姑不利又進攻休之等潰奔長安

乾象通鑑卷第三十二

河間府免解進士臣李 李奉

聖旨編

列舍氏宿後論

歲星犯氐宿

熒惑犯氐宿

鎮星犯氐宿

太白犯氐宿

辰星犯氐宿

客星犯氐宿

孛星犯氐宿

李星犯氐宿

流星犯氐宿

雲氣犯氐宿

歲星犯氐宿

天文錄曰歲星犯入氐不出其年有赦

甘德曰歲星守氐皇后有喜事

巫咸曰歲星守氐南其年地動

却萌曰歲星守氐南馬多死民多寒熱處氐北有小賊起西歲多饑

天文總論曰歲星守氐年豐若歲星入氐而由舍氐者天之庫星當有善令其歲太平若環繞而由氐其分有兵

武家曰歲星犯氐國無儲守氐其歲熟一日氐爲雙妾歲星守則有喜

陳卓曰歲星犯氐蝗虫萬物不成

却萌曰歲星逆行守氐其君不居其宮一日其君治

宮室過制度

海中占曰歲星居氐五穀以旱傷

石申曰歲守氐皇后有喜若守氐二十日已上有立

王之象若逆行臣失職

李淳風曰歲星守氐王者立后若歲星逆行國大饑

民流亡

廣古今占曰歲星明潤以時出順守氐中其國

有德令下施於民若退行失度

奢侈之君一曰君務奢侈不恤下民

大象旁通曰歲星逆行犯氐陽行疾者君有急令者后
後宮有內亂一曰女主有陰謀

晉廢帝大和十二年三月歲星逆行入氐占曰有兵
起其年四月陳顯達等寇邊豫州刺史元訢率眾
禦之

宋孝武帝大明七年十一月歲星入氐占曰諸侯人
君有入宮者後二年帝后崩大臣將相誅滅皇太
子被害皇太后崩四方起兵分遣諸軍推鋒外討

熒惑犯氐宿

天文錄曰熒惑守氐大臣相謀

天文摠論曰氐者天子之宮熒惑犯之君憂有大災
入氐留守三十日已上其分有兵二十日已上當
有賊臣

武密曰熒惑守氐成鉤已者大人惡之一云有赦期
六月

陶隱居曰熒惑犯氐將相有憂

天文志曰熒惑入氐中有賊臣

都萌曰熒惑入天門至氐前進人主無出廊廟國無
之遠宮其間有伏陣之兵

入氏中三十日大人當之國有

在其陰者女

荊州占曰熒惑色黃赤守氏以九月守六十日有奪
地又日守氏已去復反之其色黃白與兩星齊明
去兩星一尺期六十日三尺期一百二十日有故

甘德曰熒惑守氏成鉤已者有赦

黃帝曰熒惑守氏大人憂期六月

荊州占曰熒惑守氏強國之君死亡者憂貴人飢

巫咸曰熒惑逆行守氏有失火

黃帝曰熒惑與氏合失地百里又曰熒惑出氏一環守

之彊國惡之

石申曰熒惑守心大成亡若熒惑與歲星同守心賊臣為亂

陶隱居曰熒惑逆行心色赤大臣亡久守六十日有赦
武審曰熒惑入心天子失其宮一日宮中火災賊在
內者留守二十日不下當有賊臣在內又曰心為天
子宮罰星入之宮中不祥之兆一日熒惑逆行
心失地

荊州占曰熒惑犯心多大災若成鉤己者大人子惡
之

李淳風曰熒惑逆行守氐大臣謀

漢地節元年正月辛酉熒惑入氐中氐天子惑入之
有賊臣是時楚王延壽謀逆自殺

晉安帝義熙二年五月壬寅火犯氐占曰人主憂三
年正月鮮卑寇北徐州至下邳州八月遣劉劭宣
伐蜀十二月司寇徙王謫薨

後周宣帝即位元年十一月癸未熒惑入氐仍留經
一月己丑以上柱國河陽總管滕王道為行軍元
帥率師衆伐陳克之

鎮星犯氐宿

天文錄曰鎮星守氐有德令有土功事太后皇后有
賀有赦令

天文總論曰鎮星犯氐左星左中即將有誅者犯右
星右中即將死不出一年又曰鎮星在氐光明潤
大則皇后有喜不然則女有暴貴者不出百八十
日若守氐六十日有赦

武密曰鎮星守氐即歲安邑亦裂地之象四夷服
天下大獲

海中占曰鎮星守氐其國冊太子
却萌曰鎮星犯氐其下必有亡國

有兵期不 四年又曰將必

前後於氏女主前後非其人一曰鎮星

主不居宮室

陶隱居曰鎮星守氏有立太子若守八十日已

國有兵

巫咸曰鎮星守氏其下必有亡國

甘德曰鎮星守氏皇后有子之喜

後魏太武帝延和元年三月鎮星守氏九十日而還

歷占曰皇后不居宮是年立皇太子後四年帝崩

太白犯氏宿

天文歸曰太白與兩星齊明則十日有故

天文總論曰太白干犯氐即將誅不出一年

武密曰太白入氐其分多疾疫

李淳風曰太白入氐守之兵加其國

陶隱居曰太白守氐將軍有受封爵者

却萌曰太白入底霜不時春糴大賁

海中占曰太白乘氐右星天下有水

井德曰太白入氐將軍賀大臣受爵若守犯

徭役有兵兵罷無兵兵起

荊州占曰太白 芒角凌犯氐

一曰其分 有喪若守此

陶隱居曰太白守此兵起將軍有受封爵

石申曰太白守此若守之其下有兵

荊州占曰太白守此國君有變

晉穆帝昇平四年八月戊申太白犯此占曰國有變

五年五月帝崩哀帝立大赦賜爵褚后失勢

陳廢帝光大二年十一月戊子太白入此十二月甲

寅慈訓太后廢帝爲臨海王大建二年四月薨此

其應也

辰星犯此宿

天文錄曰辰星入氐責臣暴戾法官有獄事

石申曰辰星守氐則多惡風天下旱

天文總論曰辰星守氐七日已上有水災

武密曰辰星入氐旱不收守氐有兵起

石申曰辰星守氐水災萬物不成若入守則責人入獄

黃帝曰辰星入氐七日其下有水期八十日有兵

陶隱居曰辰星入守氐水災漂沒官舍萬不成

李淳風曰辰星乘氐左星天子自將兵於

海中占曰辰星入氐天下旱不收

曰辰星守氐多水災

占曰辰星 氐天下大旱

客星犯氐宿

天文錄曰客星入氐邊邦有獻女者

郊廟曰客星乘氐下星則牛馬大貴

海中占曰客星守氐則有德令客星入氐色黃白有喜
天文總論曰客星犯氐其國憂水客星出氐色黃白十
月有赦若不出一百日

武密曰客星入氐色黃白與兩星間期十日而赦去

二星一尺期六十日赦去二星三尺期百日内赦

陶隱居曰客星守氐則布帛貴

荊州占曰客星守氐麻麥米貴

陳卓曰客星守氐兵從邊起後宮亂五穀不成

都萌曰客星入氐中散人主有疾一日中外不通馬
有急行大人奪勢失威大臣乘國之權若逆行衆
守咸氏諸侯有坐罪者

武密曰客星守氐五十日不去者宮中有刺客

李淳風曰客星入氐色黑廊廟有憂色亦有兵廊廟
中貴臣誅闕梁不通軍興國庭邊境不

陳廢帝光大 年六月壬子客星 氐

慈訓太后廢帝爲臨海王大建

彗星犯氐宿

天文錄曰彗星犯氐大赦天下

天文樞論曰彗星出氐有赦不出一百八十日

武密曰彗星干犯氐糴賁民饑

李淳風曰彗星滅氐其國大疫

陶隱居曰彗星行入於氐有小兵一日後宮有暴兵

黃帝曰彗星犯氐臣殺其主兵起更政期一年

石申曰彗星起氐中主者不安移徙宮室

荊州占曰彗星犯氐天下寢疾

晉孝武帝寧康二年三月丙戌彗星見於氐占曰爲

兵喪至大元元年七月符

堅破涼州虜張天錫

孛星犯氐宿

天文錄曰孛星干犯氐糴賁國饑

天文總論曰孛星出氐其國有赦

武密曰孛星出氐中天下大赦

李淳風曰孛星出氐之間如霞蜺之狀如冬木無

者歲星之精光則人有疾疫

石申曰孛星 氐中其下有小兵起

曰孛星犯氐臣弑其主

日孛星于氏天子失德易政

晉武帝咸寧

六月甲戌孛星于氏

德易政爲州四年徐充之兵悉出交戰

晉孝武帝寧康二年丁巳孛星于氏占曰

兵喪

至太元元年符堅破涼州虜張天錫

宋少帝景平元年十月己未有星孛于氏是歲魏明

皇帝崩至二年二月己卯廢南豫州刺史盧陵王

義真爲庶人徙新安郡

流星犯氏宿

天文錄曰流星入氏有水災

天文總論曰流星入氐上卿憂

李淳風曰流星犯氐祕閣官有事若春秋其有貶者
冬憂水是

石申曰流星入氐中民饑有病

李淳風曰流星入氐國相疾

乙巳略例占曰流星入氐後宮有喜流星色赤黑入
氐後宮后妃不安一曰流星出氐中有中使出布
天子德令 曰氐女宿宮流星白色入氐主後宮
有災

後 永光十一年五月丙午有流星

行稍者

色占曰流星白

小亦小使

疾遲亦遲大

光爲遲也

五月丙午正王日邊方有受王命者

也明年二月蜀郡旄牛徼外夷白狼樓薄種

繒等率衆人口十七萬歸義內屬賜金印紫綬錢帛

周宣帝大象元年六月丁卯有流星一如難子出氏

中西北流有尾跡長一丈所入月中即滅占曰不

出三年人主憂又曰亡國靜帝幽閉之

雲氣犯氐宿

天文錄曰黃白氣入氐有土功事黑氣入氐有水入

氏房間使諸侯事

天文總論曰赤氣入氏有兵

李淳風曰蒼白雪入氏有疾

武密曰赤氣入氏有內兵

石申曰白氣入氏不散後宮有憂

乾象通鑑卷第三十二